

Newidiadau i'ch casgliadau ailgylchu a gwastraff na ellir ei ailgylchu

O ddydd
Llun 3
Mehefin
2024



 Sir Ddinbych yn ailgylchu
Denbighshire recycles

Cyngor
sir ddinbych
denbighshire
County Council



Beth sy'n newid?

O ddydd Llun 3 Mehefin 2024:

- 1.** bydd angen ichi **sortio eich eitemau ailgylchadwy 'sych' i finiau ar wahân**. Rydym yn gosod y canlynol yn eich man storio biniau:
 - **bin du gyda sticer coch** ar gyfer eich:
 - caniau, tuniau, erosolau a ffoil metel,
 - poteli, potiau a thybiau plastig, a
 - cartonau bwyd a diod fel Tetra Pak,
 - **bin du gyda sticer gwyrddlas** ar gyfer eich **poteli a jariau gwydr**,
 - **bin du gyda sticer glas** ar gyfer eich **cardfwrdd**, a
 - **bin du gyda sticer glas tywyll** ar gyfer eich **papur**.

Byddwn yn rhoi'r gorau i gasglu eich ailgylchu 'sych' o'r bin glas unigol a ddefnyddiwyd ar hyn o bryd. Byddwn yn mynd â'r bin hwn ymaith pan fyddwn yn gosod y biniau newydd.

- 2.** byddwn yn **casglu cynnwys y biniau cymunedol newydd ar gyfer eich ailgylchu 'sych' bob wythnos**.

- 3.** rydym yn cyflwyno casgliadau newydd ar gyfer eich **eitemau trydanol bach** (tudalen 11), **batris o'r cartref** (tudalen 11), a **thecstilau** (tudalen 12).

- 4.** byddwn yn **casglu eich gwastraff na ellir ei ailgylchu bob pedair wythnos o'r bin du arferol gyda chaead du**. Ar gyfartaledd, gallwch roi swm sy'n cyfateb i **hyd at bedair sach ddu untro lawn yn y bin bob pedair wythnos**.

- 5.** **efallai bydd eich diwrnod casglu'n newid**. I wirio eich dyddiadau casglu newydd, ewch i'n gwefan neu cysylltwch â ni o ddydd Mercher 15 Mai 2024 ymlaen.



Beth sy'n aros yr un fath?

- Byddwn yn parhau i **gasglu eich gwastraff bwyd o'r bin brown cymunedol** bob wythnos.
- Os ydych wedi cofrestru ar gyfer y gwasanaeth, byddwn yn **casglu eich nwyddau hylendid amsugol (AHP)** – fel clytiau ac eitemau anymataliaeth – o'ch **cadi du gyda chaead piws bob wythnos**.

Pam rydym yn gwneud y newidiadau hyn.

Gyda chyfradd ailgylchu genedlaethol o fwy na 65%, Cymru yw trydedd genedl ailgylchu orau'r byd, ond mae angen inni wneud mwy...

- ✔ O gasglu eich ailgylchu mewn biniau ar wahân, wedi'u sortio'n barod, bydd yn gwella ansawdd y deunyddiau a gasglwn gennych. Mae hyn yn golygu y bydd mwy ohono'n aros yn y Deyrnas Unedig i gael ei ailgylchu a'i droi'n nwyddau newydd – yn hytrach na chael ei anfon dramor – sy'n lleihau ein hallyriadau carbon ac yn helpu atal newid yn yr hinsawdd.
- ✔ O gyflwyno casgliad newydd ar gyfer eich eitemau trydanol bach, batris o'r cartref a thecstilau, bydd yn ei gwneud yn haws fyth i chi ailgylchu mwy o'ch gwastraff o gartref.
- ✔ Er bod y rhan fwyaf o bobl yn Sir Ddinbych yn ailgylchu, gellid yn hawdd fod wedi ailgylchu 33% o'r hyn sy'n cael ei roi mewn biniau neu sachau pinc ar gyfer gwastraff na ellir ei ailgylchu. O gynyddu pa mor aml rydym yn casglu eich ailgylchu, cyflwyno casgliadau ychwanegol ar gyfer deunyddiau ailgylchadwy eraill, a lleihau amllder casglu eich gwastraff na ellir ei ailgylchu, bydd yn annog mwy o drigolion i sortio eu gwastraff ac ailgylchu cymaint ag y gallant o gartref.
- ✔ Mae'r newidiadau yn cyd-fynd â'r dull argymhellir ar gyfer yr holl gasgliadau ailgylchu a gwastraff na ellir ei ailgylchu ledled Cymru a gyflwynwyd gan Lywodraeth Cymru, a fydd yn ein helpu i gyrraedd y targed o ailgylchu 70% o'n holl wastraff erbyn 2025. Rydym yn ailgylchu 66% o'n gwastraff ar hyn o bryd (2022/23).
- ✔ Mae nifer o gynghorau lleol ledled Cymru eisoes wedi cyflwyno rhai o'r newidiadau hyn ac maent wedi gweld cynnydd yn swm ac ansawdd yr ailgylchu a gaiff ei gasglu yn yr ardaloedd hynny.

Sut dylwn gyflwyno fy ailgylchu a fy ngwastraff na ellir ei ailgylchu i chi ei gasglu?

1. Rhowch yr eitemau cywir yn y cynwysyddion cywir.
.....
2. Rhowch eitemau ailgylchadwy yn y biniau'n rhydd, nid mewn bagiau plastig (heblaw am bapur wedi'i rwygo (tudalen 10), batris o'r cartref (tudalen 11), ac e-sigaréts a phinnau fêp (tudalen 11)).
.....
3. Clymwch fagiau leinio eich cadid gwastraff bwyd a'ch sachau untro ar gyfer tecstilau'n sownd.
.....
4. Caewch y fflapiau a'r caeadau ar eich biniau a chadis i atal eich ailgylchu a'ch gwastraff na ellir ei ailgylchu rhag dianc, ac i gadw eu cynnwys mor sych â phosibl.
.....
5. Defnyddiwch finiau, cadis, bagiau leinio a sachau a ddarparwyd gan y Cyngor yn unig ar gyfer eich ailgylchu. (Gweler tudalen 17 i ddarganfod beth i'w wneud os bydd unrhyw rai o'r biniau'n llawn.)
.....
6. Cadwch y lle o amgylch y man storio biniau'n glir.



Eisiau gwirio eich dyddiadau casglu newydd?

Evch i'n gwefan neu cysylltwch â ni o ddydd Mercher 15 Mai 2024 ymlaen.

Beth sy'n mynd i ble?

Gwastraff bwyd



Bin brown



✓ Ie, plis

- ✓ Hen fagiau te a gwaddodion coffi
- ✓ Plisg wyau
- ✓ Crwyn ffrwythau a chrafion llysiâu
- ✓ Cig a physgod amrwd ac wedi'i goginio, yn cynnwys esgyrn a phlisg
- ✓ Crafion plât
- ✓ Bwyd dros ben na ellir ei storio'n ddiogel i'w fwyta'n nes ymlaen
- ✓ Bwyd nad yw'n ddiogel i'w fwyta mwyach
- ✓ Bwyd anifeiliaid anwes

Cofiwch, os gwelwch yn dda:

- os bydd angen cyflenwad newydd o fagiau leinio cadï gwastraff bwyd arnoch ar gyfer eich cadï cegin, cewch archebu cyflenwad newydd ar ein gwefan neu gallwch eu casglu o'ch Siop Un Alwad agosaf

✗ Dim diolch

- ✗ Deunydd pacio o unrhyw fath
- ✗ Hylifau fel llaeth *
- ✗ Olewau neu fraster hylifol **
- ✗ Unrhyw ddeunydd nad yw'n wastraff bwyd

* Cewch arllwys symiau bach o fwyd hylifol neu ddiodydd i lawr y sinc, yn ddelfrydol gydag ychydig o ddŵr i sicrhau bod y gwastraff yn llifo i lawr yn hawdd, heb beri i'r pibelli flocio.

** Ewch â'r eitemau hyn i'ch Parc Ailgylchu a Gwastraff Lleol mewn cynhwysydd addas.

Os bydd angen ichi gael gwared ag unrhyw fraster soled neu rannol hylifol, gallwch roi'r rhain yn eich bin du gyda chaead du ar gyfer gwastraff na ellir ei ailgylchu.

Rydym yn casglu eich **gwastraff bwyd** o'ch man storio biniau **bob wythnos**.
I wirio eich dyddiadau casglu, ewch i'n gwefan neu cysylltwch â ni.

Beth sy'n mynd i ble?

Metelau, plastigion a chartonau



Bin du gyda sticer coch



- Caniau, tuniau, erosolau a ffoil metel
- Poteli, potiau a thybiau plastig
- Cartonau bwyd a diod, fel Tetra Pak

✓ Ie, plîs

Metelau

- ✓ Caniau diod, fel y rhai a ddefnyddir i ddal cwrw a diodydd meddal
- ✓ Tuniau bwyd, fel y rhai a ddefnyddir i ddal ffa a chawl
- ✓ Tuniau bisgedi a siocled metel a'u caeadau
- ✓ Erosolau gwag
- ✓ Cloriau a thybiau ffoil glân

Cartonau

- ✓ Cartonau bwyd a diod, fel Tetra Pak, a ddefnyddir i ddal sudd ffrwythau, llaeth a chawl

Cofiwch, os gwelwch yn dda:

- tynnwch unrhyw bympiau oddi ar boteli nwyddau ymolchi a'u rhoi yn y bin du gyda chaead du ar gyfer gwastraff na ellir ei ailgylchu
- tynnwch unrhyw ffilm blastig neu badiau amsugol a'u rhoi yn y bin du gyda chaead du ar gyfer gwastraff na ellir ei ailgylchu
- gwagiwch a rinsiwch eitemau metel a phlastig
- gwasgwch eitemau metel a phlastig yn ddiogel i'w gwneud yn llai, os yw'n bosibl
- sicrhewch fod erosolau'n wag
- sicrhewch fod ffoil yn lân

✗ Dim diolch

Metelau

- ✗ Pecynnau creision *
- ✗ Deunydd lapio fferins ffoil *
- ✗ Pecynnau neu 'godenni' ffoil wedi'i lamineiddio sy'n dal bwyd a diod, fel y rhai a ddefnyddir ar gyfer coffi, sudd, reis, bwyd babanod neu fwyd anifeiliaid anwes *
- ✗ E-sigaréts neu binnau fêp **

* Os bydd angen ichi gael gwared ar yr eitemau hyn, gweler tudalen 15.

** Dylech gael gwared â'r rhain fel eitemau trydanol bach (gweler tudalen 11).

Beth sy'n mynd i ble?



Metelau, plastigion a chartonau – parhad...

✓ **Ie, plîs**

Plastigion

- ✓ Poteli gofal croen a nwyddau ymolchi plastig, fel y rhai a ddefnyddir i ddal sebon dwylo, sebon corff, gel cawod, siampwê, cyflyrydd gwallt a swigod bath
- ✓ Poteli nwyddau glanhau plastig, fel y rhai sy'n dal cannydd, hylif golchi llestri, glanhawr dillad a chyflyrydd ffabrig, a thybiau sy'n dal capsïwlau a thabledi golchi dillad
- ✓ Poteli diod plastig, fel y rhai sy'n dal diodydd ysgafn, llaeth a dŵr
- ✓ Potiau plastig, fel potiau hufen ac iogwrt
- ✓ Tybiau plastig, fel tybiau menyn, marjarîn, siocled, fferins a hufen iâ
- ✓ Tybiau plastig fel y rhai sy'n dal teisenni, myffins a chig
- ✓ Potiau plastig, fel y rhai sy'n dal ffrwythau a llysiau
- ✓ Tybiau tecawê plastig a'u caeadau
- ✓ Poteli plastig o'ch garej, tŷ gwydr neu sied, fel poteli bwyd planhigion nad yw'n wenwynig

✗ **Dim diolch**

Plastigion

- ✗ Bagiau neu ddeunydd lapio plastig (gweler tudalen 15)
- ✗ Poteli, potiau neu dybiau plastig du neu frown ***
- ✗ Y rhwydi plastig a ddefnyddir i ddal ffrwythau a llysiau ***
- ✗ Bagiau bwyd sych cathod a chŵn ****
- ✗ Bagiau compost a phridd i'r ardd ****
- ✗ Pecynnau swigod plastig, hynny yw, y math sy'n dal tabledi a chapsïwlau ****
- ✗ Brwshys dannedd neu diwbiau past dannedd ***
- ✗ Raseli plastig ***
- ✗ Plastigion caled, fel cadeiriau o'r ardd, tegantau plant, biniau cegin, powlenni golchi llestri, potiau blodau neu gynwysyddion Tupperware ****
- ✗ Tanwyr ****
- ✗ Caniau nwy ****
- ✗ E-sigaréts neu binnau fêp *****
- *** Rhowch yr eitemau hyn yn y bin du gyda chaead du ar gyfer gwastraff na ellir ei ailgylchu.
- **** Ewch â'r eitemau hyn i'ch Parc Ailgylchu a Gwastraff Lleol.
- ***** Dylech gael gwared â'r rhain fel eitemau trydanol bach (gweler tudalen 11).

Rydym yn casglu eich **metelau, plastigion a chartonau** o'ch man storio biniau **bob wythnos**. I wirio eich dyddiadau casglu, ewch i'n gwefan neu cysylltwch â ni.

Beth sy'n mynd i ble?

Poteli a jariau gwydr



Bin du gyda sticer gwyrdilas



✓ Ie, plîs

- ✓ Poteli gwydr, fel y rhai a ddefnyddir ar gyfer cwrw, gwin a diodydd meddal
- ✓ Jariau gwydr, fel y rhai sy'n dal bwyd babanod a sawsiau
- ✓ Poteli a jariau ar gyfer pethau heblaw bwyd a diod, fel y rhai a ddefnyddir i ddal persawr, persawr eillio ac eli wyneb

Cofiwch, os gwelwch yn dda:

- gwagiwch a rinsiwch eitemau gwydr
- tynnwch unrhyw gaeadau metel neu blastig a'u rhoi yn y bin du gyda sticer coch ar gyfer metelau, plastigion a chartonau cymysg

✗ Dim diolch

- ✗ Eitemau ceramig neu Tsieina *
- ✗ Gwydrau yfed *
- ✗ Gwydr fflat, fel cwareli ffenestri *
- ✗ Drychau *
- ✗ Bylbiau golau *
- ✗ Llestri coginio gwydr, fel Pyrex *
- ✗ Platiau microdon *
- ✗ Fasys *
- ✗ Poteli farnais ewinedd *
- ✗ Gwydr wedi torri *

* Ewch â'r eitemau hyn i'ch Parc Ailgylchu a Gwastraff Lleol neu rhowch nhw yn y bin du gyda chaead du ar gyfer gwastraff na ellir ei ailgylchu. Lapiwch yr eitemau hyn yn ddiogel mewn hen bapur newydd neu bapur cegin, neu eu bagio'n ddwbl, i sicrhau na chaiff ein criwiau eu brifo wrth eu casglu.

Beth sy'n mynd i ble?

Cardfwrdd



Bin du gyda sticer glas



✓ Ie, plîs

- ✓ Bocsys cardfwrdd, fel y rhai sy'n dal grawnfwydydd, teisenni, tabledi peiriant golchi llestri, esgidiau, hancesi papur, nwyddau ymolchi a phast dannedd
- ✓ Tiwbiau papur toiled
- ✓ Cartonau wyau
- ✓ Llewys cardfwrdd a ddefnyddir i bacio bwydydd yn cynnwys prydu parod a pheynnau amlbecyn
- ✓ Cardiau cyfarch os nad oes bathodynau, rhubanau, ffoil neu lwch llachar arnynt
- ✓ Cefnau cardfwrdd oddi ar becynnau batris a brwshys dannedd
- ✓ Bocsys nwyddau danfoniadau ar-lein, ac amlenni cardfwrdd
- ✓ Papur brown a llwyd

Cofiwch, os gwelwch yn dda:

- torrwyd a fflatiwyd gardfwrdd i wneud yn siŵr ei fod yn ffitio yn y bin du gyda sticer glas
- cadwch gardfwrdd yn sych

✗ Dim diolch

- ✗ Cardfwrdd gyda bwyd, olew, saim neu baent arno, fel bocsys pizza *
 - ✗ Cardiau cyfarch sydd â bathodynau, rhubanau, ffoil neu lwch llachar na ellir eu tynnu arnynt *
 - ✗ Papur lapio *
 - ✗ Polystyren *
 - ✗ Cartonau bwyd a diod, fel Tetra Pak, a ddefnyddir i ddal sudd ffrwythau, llaeth a chawl **
- * Rhowch yr eitemau hyn yn y bin du gyda chaead du ar gyfer gwastraff na ellir ei ailgylchu.
- ** Rhowch yr eitemau hyn yn y bin du gyda sticer coch ar gyfer metelau, plastigion a chartonau cymysg.

Rydym yn casglu eich **cardfwrdd** o'ch man storio biniau **bob wythnos**.
I wirio eich dyddiadau casglu, ewch i'n gwefan neu cysylltwch â ni.

Beth sy'n mynd i ble?

Papur



Bin du gyda sticer
glas tywyll



✓ Ie, plîs

- ✓ Llythyrau
- ✓ Amlenni, gyda ffenestri neu hebddynt
- ✓ Cylchgronau
- ✓ Papurau newydd
- ✓ Pamffledi a chatalogau
- ✓ Papur argraffydd
- ✓ Symiau bach o bapur wedi'i rwygo'n fân, fel derbynebau a biliau'r cartref – rhowch hwn mewn bag plastig untro a'i glymu, cyn ei roi yn y bin du gyda sticer glas tywyll

Cofiwch, os gwelwch yn dda:

- cadwch bapur yn sych

✗ Dim diolch

- ✗ Papur cegin, tyweli papur neu hancesi papur *
- ✗ Cardiau crafu *
- ✗ Papurau gludiog, fel nodiadau 'Post-It', labeli gludiog a thâp papur *
- ✗ Papur wal *
- ✗ Papur lapio *
- ✗ Papur gyda bwyd, olew, saim neu baent arno *
- ✗ Ffilm blastig, fel y math a gaiff ei ddefnyddio i lapio cylchgronau (gweler tudalen 15)
- ✗ Papur gwlyb o unrhyw fath

* Rhowch yr eitemau hyn yn y bin du gyda chaead du ar gyfer gwastraff na ellir ei ailgylchu.

Rydym yn casglu eich **papur** o'ch man storio biniau **bob wythnos**.
I wirio eich dyddiadau casglu, ewch i'n gwefan neu cysylltwch â ni.

Beth sy'n mynd i ble?

Eitemau trydanol bach



Rhowch yr eitemau'n rhydd ar y llawr, wrth ymyl y biniau.

✓ Ie, plîs

- ✓ Tegellau
- ✓ Sychwyr gwallt
- ✓ Tostwyr
- ✓ Tŵls trydan
- ✓ Radios
- ✓ Heyrn smwddio
- ✓ E-sigarêts a phinnau fêp – rhowch y rhain mewn bag plastig untro, ei glymu'n dynn, yna ei roi ar y llawr, wrth ymyl y biniau

✗ Dim diolch

- ✗ Horsys dillad trydanol *
- ✗ Setiau teledu *
- ✗ Sugnwyr llwch *
- ✗ Microdonau *
- ✗ Oergelloedd neu rewgelloedd *

* Ewch â'r eitemau hyn i'ch Parc Ailgylchu a Gwastraff lleol.

Cofiwch, os gwelwch yn dda:

- ni ddylai'r eitemau fod yn fwy na maint tegell neu dostiwr

Batris o'r cartref



Rhowch eitemau mewn bag plastig untro, ei glymu'n dynn, yna ei roi ar y llawr, wrth ymyl y biniau.

✓ Ie, plîs

- ✓ Batris o'r cartref fel rhai AAA, AA, B, C, D, DD a 9V

✗ Dim diolch

- ✗ Batris 'botwm' lithiwm-ïon, fel y rhai a ddefnyddir mewn cyfrifiannellau, dyfeisiau cymorth clyw neu oriawr *
- ✗ Batris y gellir eu gwefru o liniaduron, ffonau symudol, tŵls trydan neu sugnwyr llwch *
- ✗ Batris ceir *
- ✗ Teclynnau gwefru batris *
- ✗ E-sigarêts neu binnau fêp **

* Ewch â'r eitemau hyn i'ch Parc Ailgylchu a Gwastraff lleol.

** Dylech gael gwared â'r rhain fel eitemau trydanol bach (gweler y golofn ar y chwith).

Beth sy'n mynd i ble?

Tecstilau



Sach wen untro

Rhowch eitemau yn y sach, ei chlymu'n dynn, yna ei rhoi ar y llawr, wrth ymyl y biniau.

✓ Ie, plîs

- ✓ Dillad oedolion a phlant
- ✓ Esgidiau
- ✓ Bagiau llaw
- ✓ Beltiau
- ✓ Cyrtens
- ✓ Dillad gwely

✗ Dim diolch

- ✗ Duvets neu gwiltiau *
- ✗ Gobennydd *
- ✗ Sachau cysgu *
- ✗ Wadin tu mewn clustogau *
- ✗ Carpedi *

* Ewch â'r eitemau hyn i'ch Parc Ailgylchu a Gwastraff Lleol.

Cofiwch, os gwelwch yn dda:

- sicrhewch fod tecstilau'n lân a sych, ac esgidiau mewn parau
- defnyddiwch y sachau gwyn untro a ddarperir gan ein partner, Co-Options Social Enterprise yn unig
- os bydd angen archebu cyflenwad newydd o sachau gwyn arnoch, gallwch eostio Co-Options ar office@cooptions.co.uk neu eu ffonio ar 01745 332300
- mae'r gwasanaeth casgliadau newydd hwn yn un dewisol; cewch fynd â dillad dieisiau i'ch Parc Ailgylchu a Gwastraff Lleol, neu unrhyw fan arall dilys, o hyd

Bydd Co Options yn casglu **tecstilau** o'ch man storio biniau **bob pedair wythnos**, ar yr un diwrnod â'ch gwastraff na ellir ei ailgylchu.

I wirio eich dyddiadau casglu, ewch i'n gwefan neu cysylltwch â ni.

Beth sy'n mynd i ble?

I gael gwybod pryd a sut y gallwch gofrestru ar gyfer y gwasanaeth casgliadau am ddim hwn, ewch i www.sirddinbych.gov.uk/nwyddau_hylendid_amsugol neu cysylltwch â ni

Nwyddau hylendid amsugol



Cadi du gyda chaead piws a sachau piws untro



✓ Ie, plîs

- ✓ Clytiau (napis), bagiau clytiau a weips
- ✓ Padelli gwely a phadiau leinio tafladwy
- ✓ Padiau anymataliaeth
- ✓ Padiau gwelyau a chadeiriau
- ✓ Bagiau colostomi a stoma
- ✓ Bagiau cathetr a photeli wrin
- ✓ Menig plastig a ffedogau tafladwy

Cofiwch, os gwelwch yn dda:

- defnyddiwch y sachau piws untro a'r cadi du gyda chaead piws a ddarperir gan y Cyngor yn unig
- os bydd angen archebu cyflenwad newydd o sachau piws arnoch, clymwch y 'tag ail-archebu' ar handlen eich cadi, yna fe wnawn ni adael cyflenwad newydd o sachau ar ben, neu wrth ymyl, eich cadi. Fel arall, cysylltwch â ni

✗ Dim diolch

- ✗ Nwyddau hylendid, fel padiau leinio, tamponau a thyweli mislif **
- ✗ Plasteri neu rwymau **
- ✗ Gwastraff clinigol, fel gorchuddion neu rwymau sydd wedi'u halogi â gwaed, nodwyddau, chwistrelli a nwyddau miniog eraill ***
- ✗ Cyfog *
- ✗ Baw pobl *
- ✗ Baw anifeiliaid **

* Dylech fflysio'r gwastraff hwn i lawr eich toiled.

** Bagiwch yr eitemau hyn ac yna eu rhoi yn y bin du gyda chaead du ar gyfer gwastraff na ellir ei ailgylchu.

*** Nid yw Cyngor Sir Ddinbych yn darparu casgliad 'nwyddau miniog' ar gyfer yr eitemau hyn. Cysylltwch â'ch bwrdd iechyd lleol, fîm nyrsys ardal neu GIG 111 am gyngor.

Rydym yn casglu eich **nwyddau hylendid amsugol** o'ch man storio biniau **bob wythnos**, os ydych wedi cofrestru ar gyfer y gwasanaeth hwn.

I wirio eich dyddiadau casglu, ewch i'n gwefan neu cysylltwch â ni.

Beth sy'n mynd i ble?

Gwastraff na ellir ei ailgylchu



Bin du gyda
chaead du



✓ Ie, plîs

- ✓ Poteli, potiau a thybiau plastig du a brown
- ✓ Clytiau (gweler tudalen 13)
- ✓ Weips gwlyb
- ✓ Polystyren
- ✓ Yr holl wastraff o'r cartref sydd dros ben na ellir ei ailgylchu *

* Os bydd angen ichi gael gwared ar unrhyw **fagiau a deunydd lapio plastig**, gweler tudalen 15 i ddarganfod sut gallwch ailgylchu'r rhain mewn manau ailgylchu 'oddi cartref', fel archfarchnadoedd.

✗ Dim diolch

- ✗ Unrhyw eitemau y gellir eu hailgylchu o gartref gan ddefnyddio cynwysyddion eraill a ddarperir gan y Cyngor, neu'r rhai y gellir eu hailgylchu yn eich Parc Ailgylchu a Gwastraff lleol

Cofiwch, os gwelwch yn dda:

- gallwch roi swm sy'n cyfateb i hyd at bedair sach ddu untro lawn yn y bin bob pedair wythnos
- peidiwch â rhoi gwastraff ychwanegol wrth ymyl, neu ar ben, y bin du gyda chaead du. Yr enw ar hyn yw 'gwastraff ochr'. Nid ydym yn casglu 'gwastraff ochr' a gallech orfod talu dirwy

Beth sy'n mynd i ble?

Beth ddylwn ei wneud gyda bagiau a deunydd lapio plastig?

Os bydd angen ichi cael gwared ar **fagiau neu ddeunydd lapio plastig**, caiff rhai o'r eitemau hyn eu derbyn mewn **mannau ailgylchu 'oddi cartref'** mewn lleoliadau fel archfarchnadoedd.

Ewch i **cymruynailgylchu.org.uk** i ddod o hyd i'ch cyfleuster agosaf.

Mae'n bosibl bydd y mathau o eitemau a dderbynnir yn amrywio o un lleoliad i'r llall, felly dilynwch y canllawiau a roddir gan y sefydliad sy'n rheoli'r man ailgylchu, os gwelwch yn dda.

Os na allwch fynd â'r eitemau hyn i un o'r cyfleusterau hyn a bod angen ichi gael gwared arnynt gartref, yna rhowch nhw yn y **bin du gyda chaead du ar gyfer gwastraff na ellir ei ailgylchu**.



Bagiau plastig a Bagiau am Oes



Bagiau ffrwythau, salad a llysiau wedi'u pacio'n barod



Bagiau plastig tenau ar gyfer ffrwythau, salad a llysiau rhydd



Ffilm, fel haenen lynu, caeadau prydau parod neu gaeadau potiau iogwrt



Bagiau rhewgell



Bagiau bwyd rhewgell



Bagiau pasta a reis



Bagiau bara



Bagiau lapio cylchgronau a phapurau newydd



Deunydd lapio pecynnau amlbecyn a'r dolenni plastig oddi ar becynnau amlbecyn o boteli a chaniau



Bagiau leinio bocsys grawnfwyd



Deunydd lapio o becynnau papur toiled a phapur cegin



Bagiau sych lanhawyr neu fagiau sy'n gorchuddio dillad newydd



Bagiau parseli a swigod lapio



Tâp pacio a thâp gludig



Pecynnau creision a bisgedi



Pecynnau neu 'godenni' ffoil wedi'i lamineiddio fel y rhai a ddefnyddir ar gyfer coffi, sudd, reis, bwyd babanod neu fwyd anifeiliaid anwes

Peidiwch â rhoi bagiau a deunydd lapio plastig yn y bin du gyda sticer coch ar gyfer metelau, plastigion a chartonau cymysg.

Cwestiynau cyffredin

Sut dylwn i sortio fy ailgylchu a gwastraff na ellir ei ailgylchu yn y cartref?

Chi piau'r dewis o ran sut i reoli eich ailgylchu a'ch gwastraff na ellir ei ailgylchu yn eich cartref, a dewis i'r unigolyn fydd hwn. Os hoffech unrhyw gyngor neu help i sortio eich ailgylchu, cysylltwch â ni.

Mae angen help arnaf i sortio ac ailgylchu fy ngwastraff. A wnewch chi fy helpu, plis?

Mae gennym dîm o Swyddogion Ailgylchu, a gallant:

- roi cyngor ac arweiniad ichi am ein holl wasanaethau ailgylchu a gwastraff na ellir ei ailgylchu, ac
- eich cefnogi i ailgylchu'r gorau gallwch chi a lleihau eich gwastraff na ellir ei ailgylchu.

Cysylltwch â ni i drefnu ymweliad cartref gan un o'n Swyddogion Ailgylchu.

Beth ddylwn ei wneud gyda gwastraff swmpus?

Os oes gennych eitem gartref sy'n rhy fawr i chi fynd â hi i'ch Parc Ailgylchu a Gwastraff lleol, gallwch drefnu casgliad eitem swmpus, sy'n golygu y byddwn yn casglu'r eitem hon o'ch cartref am ffi fach.

Am wybodaeth neu i drefnu gwasanaeth casglu eitem swmpus, ewch i'n gwefan neu cysylltwch â ni.

Beth arall allaf ei ailgylchu?

I gael gwybod pa wastraff arall o'r cartref y gallwch ei ailgylchu gartref neu yn eich Parc Ailgylchu a Gwastraff lleol, defnyddiwch ein 'Canllawiau Ailgylchu A i Y'. Mae'n caniatáu ichi chwilio am eitem a byddwn yn dweud

wrthych sut i ailgylchu neu gael gwared ar bethau yn gywir.

Gallwch ddod o hyd i'n 'Canllawiau Ailgylchu A i Y' ar ein gwefan

www.sirddinbych.gov.uk/ailgylchu

Beth sy'n digwydd i fy ailgylchu unwaith y byddwch wedi'i gasglu?

I ddarganfod beth sy'n digwydd i'ch ailgylchu unwaith y byddwn wedi'i gasglu, ac i ble mae'n mynd, ewch i

www.myrecyclingwales.org.uk/cy

I ddarganfod beth mae'ch ailgylchu'n cael ei ddefnyddio i'w wneud, ewch i

www.cymruynailgylchu.org.uk

Beth fydd yn digwydd os byddaf yn rhoi'r eitemau anghywir yn y biniau ailgylchu mewn camgymeriad?

Mae'n bwysig eich bod yn rhoi'r eitemau cywir yn y cynwysyddion cywir, ac nad yw eich cynwysyddion ailgylchu'n cynnwys deunyddiau na ellir eu hailgylchu. Fodd bynnag, rydym yn cydnabod y gall unrhyw un wneud camgymeriad.

Os, ar ôl edrych ar y llyfryn hwn, y byddwch yn ansicr ble i roi rhai eitemau, ewch i edrych dros ein 'Canllawiau Ailgylchu A i Y' ar-lein, sy'n caniatáu ichi chwilio am eitem a byddwn yn dweud wrthych sut i'w ailgylchu neu gael gwared arno'n gywir. Os byddwch dal yn ansicr sut i gael gwared ar rai eitemau'n gywir, cysylltwch â ni.

Os byddwch yn sylwi eich bod wedi rhoi rhywbeth yn y cynhwysydd anghywir ar ôl i ni gasglu eich ailgylchu, peidiwch â phoeni – ond cofiwch ei gael yn iawn y tro nesaf.

Cwestiynau cyffredin

Beth fydd yn digwydd os nad ydw i'n ailgylchu fy ngwastraff?

Mae'r rhan fwyaf o bobl yn Sir Ddinbych yn ailgylchu cymaint ag y gallant – diolch i'r rhai ohonoch sy'n chwarae eich rhan. Ond yn anffodus, mae rhai pobl nad ydynt yn gwneud popeth y gallant, ac mae'n bosibl y bydd rhaid iddynt dalu cosb benodedig o £100 neu fynd i'r llys.

Pam rydych chi wedi casglu rhywfaint o fy ailgylchu a gwastraff na ellir ei ailgylchu, ond nid popeth?

Byddwn yn casglu eich ailgylchu a gwastraff na ellir ei ailgylchu ar ddyddiau gwahanol o'r wythnos, mewn cerbydau ar wahân, ar adegau gwahanol rhwng 6:30am a 3pm. Peidiwch â rhoi gwybod i ni am unrhyw gasgliadau a fethwyd tan y diwrnod ar ôl eich diwrnod casglu arferol, ac edrychwch ar ein gwefan neu'n cyfrifon ar y cyfryngau cymdeithasol am wybodaeth am unrhyw amhariad ar ein gwasanaethau casglu.

A chofiwch, er ein bod yn casglu eich ailgylchu bob wythnos, rydym yn casglu eich tecstilau a'ch gwastraff na ellir ei ailgylchu bob pedair wythnos. I wirio eich dyddiadau casglu, ewch i'n gwefan.

Beth ddylwn ei wneud os yw'r biniau cymunedol yn fy man storio biniau'n llawn?

Os yw unrhyw un o'r biniau ar gyfer deunyddiau ailgylchadwy yn llawn:

- daliwch eich eitemau ychwanegol yn ôl nes byddwn wedi casglu cynnwys y bin(iau), neu
- rhowch yr eitemau mewn bocsys cardfwrdd ar wahân a rhowch y bocsys hyn wrth ymyl y biniau perthnasol.

Er enghraifft, os oes gennych chi fwy o boteli a jariau gwydr i'w rhoi allan nag y gallwch eu gosod yn y bin gyda sticer gwyrddlas, rhowch rhain mewn bocs cardfwrdd a'i roi wrth ymyl y bin hwnnw. Yn yr un modd, os oes gennych chi fwy o ganiau metel neu boteli plastig i'w rhoi allan nag y gallwch eu gosod yn y bin gyda sticer coch, rhowch rhain mewn bocs cardfwrdd a'i roi wrth ymyl y bin hwnnw.

Fel arall, cewch fynd â'r eitemau hyn i'ch Parc Ailgylchu a Gwastraff Lleol.

Os yw'r bin du gyda chaead du ar gyfer gwastraff na ellir ei ailgylchu yn llawn, daliwch eich eitemau ychwanegol yn ôl nes byddwn wedi casglu cynnwys y bin(iau), neu ewch â nhw i'ch Parc Ailgylchu a Gwastraff Lleol.

Beth ddylwn ei wneud os gwelaf rywun yn camddefnyddio'r biniau neu'r man storio biniau?

Os gwelwch unrhyw gamddefnydd o'r biniau neu'r man storio biniau, cysylltwch â ni ar unwaith, neu rhowch wybod i'ch swyddog tai os ydych yn denant Sir Ddinbych.

A ydych chi wedi tanysgrifio i dderbyn ein e-gylchlythyr?

Rydym yn cynnwys y newyddion diweddaraf a diweddariadau ynghylch ein

gwasanaethau ailgylchu a gwastraff na ellir ei ailgylchu yn Llais y Sir, ein e-gylchlythyr ar gyfer trigolion.

I danysgrifio i dderbyn Llais y Sir, sganiwch y cod QR neu ewch i

www.sirdinbych.gov.uk/llais-y-sir






**Mae eich ailgylchu'n gwneud
gwahaniaeth MAWR yn
Sir Ddinbych.**

Diolch i chi am barhau i wneud
y peth iawn ac am chwarae eich
rhan dros yr amgylchedd, drwy
sortio eich gwastraff ac ailgylchu.

 www.sirddinbych.gov.uk/ailgylchu

 **01824 706000 (Dydd Llun i
ddydd Gwener, o 8.30am i 5pm)**

 **cyngorsirddinbych**

 **@CyngorSDd**